

切身分咸欲繫縛者而彼冤家或自作或令
他作乃至彼類隨喜之者悉皆破壞

觀嚕觀嚕觀嚕觀嚕莎賀

一切魑魅魍魎吠多拏旋風鬼諸如是等一
切鬼神欲起惡心行不饒益者退散四方遠

離而去

左囉左囉莎賀摩羅摩羅莎賀彌里彌里莎

賀度嚕度嚕莎賀

一切人非人等發起惡心禁制於我及他衆
生使其狂亂或如癡迷或已作或欲作皆悉
解除

你隸你羅計世莎賀閉帝閉多計世莎賀路

引四帝引路四多計世莎賀阿嚕捺引帝引

阿嚕捺引多計世莎賀濕吠合二帝引濕吠合二

多嚕婆怛囉合二馱囉尼引曳引莎賀

王怖賊怖水火等怖拏吉你怖毗舍遮怖供
畔拏怖羯吒布單曩怖影鬼怖諸如是等惡
鬼神怖或在道路或在曠野晝夜行時一切
安隱又復冤家見面除解聞語除解如親眷
屬相見歡喜

怛你也合二他引護嚕護嚕尼吉尼吉里尼吉

里尼莎賀

一切邪明截斷破壞或自焚燒猶如灰燼或
自傷害或自迷亂或釘橛崩倒或隱沒不現
或依空作法自然墮落或有文字障礙不行
琰魔王界震動驚怖

怛你也合二他引娑吒娑吒嚕吒嚕吒嚕吒嚕

吒嚕吒部嚕部嚕母嚕母嚕莎賀

若魔若魔民以惡心相向或自在天或夜叉
夜叉女等乃至一切食血者食肉者食脂膏

者食精氣者食涎沫者諸如是等所執所縛
悉皆解脫乃至男女受胎處胎初生之時皆
得安隱阿難此尊勝大明王是世間母一切
衆生咸同其子阿難若善男子善女人得聞
如是尊勝大明能受持讀誦者是人無始已
來所有罪業皆得除滅一切吉祥而能增長
見者歡喜所作成就又復善男子善女人以
此明王書於紙素或頂或臂而常戴持一切
不祥悉皆遠離於睡夢中亦無惡境火不能
燒水不能漂一切諸惡皆不侵害又或掬水
誦此明王加持已吸在鼻中所有在身宿業
亦得除滅復增善巧恒得安樂一切邪明呪
詛不饒益事以此明王加持淨水或線或白
芥子解除自退阿難我先告汝此大明王乃
是過去七俱胝如來同共宣說我今復爲未

來衆生無福無德有諸惡鬼種種惱亂不得
安隱是故宣說汝善受持當使未來流傳不
斷與諸衆生而作恃怙爾時世尊說是尊勝
大明王已尊者阿難歡喜信受禮佛而退
佛說尊勝大明王經

第十

三十四